

026/1



REPUBLIKA E SHQIPERISE
MINISTRIA E DREJTËSISË
SEKRETARI I PËRGJITHSHËM

Nr. 1176/1 Prot.

Tiranë, më 18/02/2015

(lutemi ti referoheni në rast përgjigjeje)

Lënda: Kthim përgjigjeje.

Drejtuar: Z. DORIAN MATLIJA
Drejtor ekzekutiv
Qendra "Res Publica"

Adresa:

Rruga "Nikolla Tupe", Pall.4, shk.1, Ap.5, Tiranë.

Për dijeni: KOMISIONI SHTETËROR I NDIHMËS JURIDIKE

Këtu

I nderuar Z.Matlja,

në përgjigje të kërkesës tuaj, të protokolluar pranë Ministrisë së Drejtësisë me nr. prot. 1176, datë 12.02.2015, me anë të së cilës kërkon informacion mbi çështje që rregullohen nga ligji nr. 10039, datë 22.12.2008 "Për ndihmën juridike", i ndryshuar, ju informojmë si më poshtë:

Së pari, lidhur me kërkesën për vënien në dispozicion të kopjes së Udhëzimit të Ministrit të Drejtësisë për detajimin e kriterëve për përfitimin e ndihmës juridike, pranë Ministrisë së Drejtësisë ende nuk janë paraqitur propozime konkrete mbi rregullimin e kësaj çështje nga Komisioni i Ndihmës Juridike, në zbatim të pikës 4, të nenit 13, të ligjit nr.10039, datë 22.12.2008, "Për ndihmën juridike", të ndryshuar, ku parashikohet se: "Ministri i Drejtësisë, me propozim të Komisionit Shtetëror të Ndihmës Juridike, nxjerr udhëzim të veçantë për detajimin e kriterëve [....]".

Së dyti, në lidhje me shqetësimin e paraqitur nga ana juaj mbi përjashtimin nga detyrimi për të paguar taksën gjyqësore, ju bëjmë me dije se ligji nr. 10039, datë 22.12.2008 "Për ndihmën juridike", i ndryshuar, në nenin 21/1, përjashtimin nga pagimi i taksës mbi aktet, parashikon se kërkesa për përjashtimin nga pagimi i taksës mbi aktet, si dhe shpenzimeve të nevojshme për njoftimet ose shërbimet e tjera gjyqësore, shqyrtohet nga Komisioni Shtetëror i Ndihmës Juridike brenda 10 ditëve nga marrja në dorëzim e kërkesës. Rregullat dhe kriteret e hollësishme për shqyrtimin dhe pranimin e kërkesës, përcaktohen me vendim të Komisionit Shtetëror për Ndihmën Juridike. Nëse Komisioni Shtetëror i

Ndihmës Juridike nuk shprehet brenda 10 ditëve nga paraqitja e kërkesës, ose vendos refuzimin e kërkesës për përjashtimin nga pagimi i taksës mbi aktet, si dhe shpenzimeve të nevojshme për njoftimet ose shërbimet e tjera gjyqësore, gjykata nëse vlerëson se përmbushen kushtet për të përfituar ndihmën juridike, sipas shkronjës “c”, të paragrafit 1, të nenit 13, gjatë veprimeve përgatitore, vendos përjashtimin e paditësit nga pagimi i taksës mbi aktet.

Duke mbajtur në konsideratë se ka një kategori personash që e kanë të pamundur të përballojnë plotësisht dhe menjëherë shpenzimet gjyqësore, pavarësisht se nuk plotësojnë kriteret për të përfituar ndihmë juridike, ligji parashikon se nëse Komisioni Shtetëror i Ndihmës Juridike konstaton se gjendja ekonomike e personit është e tillë që pamundëson pagimin e taksës mbi aktet, pavarësisht se nuk plotëson kushtet për të përfituar ndihmën juridike, sipas shkronjës “c”, të paragrafit 1, të nenit 13, mund të vendosë që pagimi i taksës mbi aktet të bëhet sipas rregullave të parashikuara me vendim të Komisionit, në një kohë të mëvonshme, ose me këste. Në kushtet e pamundësisë së përballimit të pagimit të plotë të tarifës gjyqësore, e cila duhet të paguhet në momentin e paraqitjes së kërkesë-padisë, personi mund edhe të heqë dorë nga kërkitimi i të drejtës së tij. Kjo situatë është e papranueshme dhe përbën cenim të të drejtës për akses efektiv në gjykatë. Në këtë kategori përfituesish përfshihen personat që jetojnë nën nivelin minimal, që pavarësisht se janë të punësuar, paga dhe të ardhurat mujore të tyre nuk mund të përballojnë pagimin plotësisht dhe menjëherë të tarifave gjyqësore. Rregullat dhe kriteret për shtyrjen e periudhës së pagimit të taksës mbi aktet, përcaktohen me vendim të Komisionit Shtetëror të Ndihmës Juridike, pasi të ketë marrë mendimin e Ministrisë së Financave.

Duke ju falënderuar për mirëkuptimin,

SEKRETARË E PËRGJITHSHME

LLAMBRIOLA MISTO